



کسن جو دي قد ديري دان کلوارنی

21 جانواري 2022 / 18 جمادي الأخير 1443

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ
فَلَا مُضِلَّ لَهُ، وَمَنْ يُضِلِّ فَلَا هَادِيَ لَهُ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ
أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ
وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ
تَبِعَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ، فَقَدْ فَازَ الْمُتَّقُونَ.

ماريله کیت برأوسها منیغتکن کایمانن دان
کتقوان کثد الله ﷺ دغن ملقساناکن سکالا فرینته
دان منیغکلکن سکالا لارغنش. موده-مودهن کیت

دبرکتی اللہ ﷻ دنیا دان خیرة.

سیدغ جمعة یغ درحمتی اللہ ﷻ،

اسلام ممرینتھکن او متش سوفاي مندافتکن رزقي
درقد سومبر یغ حلال، دان ممان درقد بند۱۲ یغ
باعیق دان سوچی. دلارغ سام سکالی کیت مندافتکن
سومبر رزقي درقد جالن یغ تیدق حلال سفرتی
جودی. دالم بهاس عرب جودی دسبوت سباکای
المیسر. المیسر یغ برمقصود سواتو بنتوق فرماین
یغ معکوناکن واغ دان لاین ۲ سباکای تاروهن دان
اورغ یغ منع دالم فرماین ایت اکن مندافت تاروهن
ترسبوت. اکام اسلام تله معحرامکن سموا عنصور
فرجودین سام اد ملالوئی فرماین، هیبورن دان
سباکایش کران جودی اداله قربواتن کجی، قربواتن
شیطان سرتا بردوسا بسر. فرمان اللہ ﷻ دالم سورة
المائدة آیات 90:

أَعُوذُ بِاللَّهِ مِنَ الشَّيْطَانِ الرَّجِيمِ

يَأْتِيهَا الَّذِينَ ءَامَنُوا إِنَّمَا الْخَمْرُ وَالْمَيْسِرُ وَالْأَنْصَابُ وَالْأَزْلَمُ

رِجْسٌ مِّنْ عَمَلِ الشَّيْطَانِ فَاجْتَنِبُوهُ لَعَلَّكُمْ تُفْلِحُونَ ﴿٩٠﴾

یغ بر مقصود: واهای اورغ یغ برایمان،
سسوغکوهن (ممینوم) ارق، بر جودی، (بر قربان
اونتوق) برهالا، مغوندي نصیب دغن فانه، اداله
ترماسوق درقد قربواتن شیطان. مک جاء وهیله
قربواتن ۲ ایت اکر کامو منداثت کجایان.

سسوغکوهن شیطان ممفرکوناکن عملن بر جودی
ایت سباکای تمفت اونتوق منیمبولکن فرموسوهن
دان کبنچین انتارا مانسی، جوک منجادی فغهاثغ
فلاکون درقد مغیغاتی الله ﷻ دان درقد منونایکن
صلاة. فرمان الله ﷻ دالم سورة المائدة ایات 91;

إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ
وَالْبَغْضَاءَ فِي الْخَمْرِ وَالْمَيْسِرِ وَيُصَدِّكُمْ عَنْ ذِكْرِ اللَّهِ وَعَنِ
الصَّلَاةِ فَهَلْ أَنْتُمْ مُنْهَوْنَ ﴿٩١﴾

یغ بر مقصود: سسوغکوهن شیطان ایت
بر مقصود هندق منیمبولکن فرموسوهن دان

کبنچین انتارا کامو لنترن (ممینوم) ارق دان
برجودی ایت، دان مغهالغی کامو دری مئیغاتی
الله دان صلاة؛ مک برهنتیله کامو (درقد
مغر جاکن فربواتن ایت).

سیدغ جمعة یغ درحمتی الله ﷻ،

سو غکوه فون اسلام تله مغحرامکن جودی، نامون
ماسیه اد دالم کالغن اورغ اسلام یغ ایغکر دان
ملاکوکن فربواتن یغ حرام این، سفرتی ممبلی تیکیت
لوتیری اتا و نومبور ایکور یغ دلاکوکن سمات ۲ دغن
میغک اکن منداقتکن واغ یغ باق ملالوئی جان
موده دان ایغین چقت کای.

جودی مروفاکن ساتو فپاکیت مشارکت یغ بربهایی
جک دیبارکن کران ای مروفاکن کجالا فپاکیت یغ
مروسقکن کهیدوثن، بوکن سهاج کقد اورغ یغ
برجودی ایت تتافی جوک کقد کلوارکن، مشارکت
دان نکارا. اورغ یغ ترغغاروه دغن جودی، هاتی
میریک ترتوتوف دان بوتامیبکن میریک سغکوف

ملاکوکن اف سهاج دمی ممواسکن هاتی اکر
 سکر ا دافت واغ اونتوق دجودیکن. جودی جوک
 معقیبتکن اورغ منجادی مالس برأوسها، طمع دان
 راکوس، حسد دغکی سرتا دندم. جودی جوک بولیہ
 منیمبولکن فرسغکیتان دان فرکادوهن سرتا هیلغ
 هرتا بندا دان تیاد مرواه یغ اخیرث قولاً بولیہ ممباوا
 مانسی منجادی فاذا کدانا، مغابایکن تغکوغجواب
 ترهادف انق استری، مشارکت، نکارا دان لبیہ بوروق
 لانی تغکوغجواب ترهادف فریتته الله ﷻ. رسول
 الله ﷻ برسبدا دالم حدیث روایة ابو داود:

إِنَّ اللَّهَ حَرَّمَ عَلَيَّ ، أَوْ حُرِّمَ الْخَمْرُ وَالْمَيْسِرُ
 وَالْكُوبَةُ

یغ برمقصود: سسوغکوھن الله تله معحرامکن
 کأتسکو، اتاو دحرامکن ارق، جودی، الکوبۃ
 (سجنیس فرماینن یغ معکوناکن فاقن، بواه
 دادو، جوک دکلی سباکای تابل (tabal) اتاو
 نرد (nard)).

اوليه ايت، جاغنه همفيري جودي کران اي سواتو
 قربواتن یغ بولیه منجادیکن فلاکوڻ مراسا کتاکیه دان
 سوکر اونتوق منیغکلکنش. جودي اداله کرج معصیه.
 واغ یغ دفراولیهی درقد جودي اداله حرام، تیدق
 بولیه دکوناکن اقاته لاکي جک دکوناکن اونتوق ماکن
 مینوم انق استری. رسول الله ﷺ تله مغيغتن کقد
 کیت ستیاف سواغ یغ دماکن دری سومبر یغ حرام
 ایت، افي نراک اداله لبیه اوتام باکیش. برهاتی-هاتیله
 دالم منچاری رزقي، چاریله یغ حلال. جاءوهکن
 دیری دری فرکارا ۲ یغ حرام دان شُبّهة. برشکورله،
 والاقون رزقي هاش سدیکیت، اصلکن حلال دان
 منداقت کبرکتن درقد الله ﷺ. فرمان الله ﷺ دالم
 سورة البقرة ايات 168:

أَعُوذُ بِاللَّهِ مِنَ الشَّيْطَانِ الرَّجِيمِ

يَأْتِيهَا النَّاسُ كُلُّوا مِمَّا فِي الْأَرْضِ حَلَالًا طَيِّبًا وَلَا
 تَتَّبِعُوا خُطُوَاتِ الشَّيْطَانِ إِنَّهُ لَكُمْ عَدُوٌّ مُّبِينٌ ﴿١٦٨﴾

یغ برمقصود: واهای سکالین مانسی، ماکنله یغ

حلال لاني بائق دري اف يغ ترداقت دبومي،
دان جاغنه كامو مغيكوتي لثكه ۲ شيطان؛ كران
سسو غكوهن شيطان ايت اداله موسوه يغ پات
باكيمو.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ
بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ
تِلَاوَتَهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ
الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.